



## **Ehiza-jarduera eta Areso-Arribe-Atallu NA 10.562 barruti publikoan enkantean aterako diren uso-paraden banaketa (2019-2020 denboraldia).**

- 1.- Areso-Arribe-Atallu NA 10.562 barruti publikoan dauden uso-paradak, Aresoko udalerrinari dagokion zatian, bi ingurutan banatuta daude: lehendabiziko 27 paradak Urteaga parajea daude, eta 2019-2020 denboraldirako enkante bidez esleituko dira, aurrerago azalduko diren lizitazio-ereduen arabera (23, 24 eta 25 izan ezik). Peña, Perratokieta, Goiegi, Uniate, Museo eta Gañarben kokatuta dauden ehiza-paradak, 1. zenbakitik 36 zenbakirainokoak (Urteagako 23, 24 eta 25. paradekin batera), Aresoko ehiztari guztiak biltzen dituen USOA Ehiztarien Elkarteari esleituko zaizkio zuzenean.
- 2.- USOA Ehiztarien Elkarteak bere gain hartzen du parada horien banaketa. Horretaz gain, parada horiek antolatzeaz eta behar bezala ordenatzeaz arduratuko da, eta baita bertan eta inguruan eginen den ehizaz ere.
- 3.- USOA Ehiztarien Elkarteak, era berean, egokitzeko lan guztiak egiteko konpromisoa hartzen du; bere ingurukoak, eta baita enkantean aterako diren altuerako uso paradena ere. Horretaz gain, oholtxoak berriz jartzeko ardura izanen du.
- 4.- Udalak jasoko duen kopurua honakoa izanen da: enkanteko erremateen batura, gehi USOA Ehiztarien Elkarteak ordaintzen duen kanona.
- 5.- Urteagako paradak urtebetez alokatuko dira, esleipena egiten den egunetik kontatzen hasita.
- 6.- Barrutiaren Plan Zinegetikoak espresuki ezarritako uso-paradez gainera, ezin izanen da beste paradarik ezarri.
- 7.- Edozein kontzeptu dela-eta usoa ehizatzeko baimena dutenek, soil-soilik paradetan egin ahal izanen dute ehiza.
- 8.- Behin-behineko esleipenean errematatzaileak Udalari FIDANTZA ordainduko dio. Fidantza, hain zuzen ere, behin-behineko esleipenaren zenbatekoaren EHUNEKO HAMARRA izanen da.
- 9.- Esleipendun guztiek, esleipenaren prezioaz gainera, esleipen horrek sortuko dituen zerga eta gastu guztiak ordainduko dituzte.
- 10.- Boz gorako enkantea eginen da, parada independenteen arabera, eta gehikada-tantoak HAMAR eurokoak izanen dira.

11.- Esleipendunen batek Baldintza Plegu honetan ezarritako betebeharrak beteko ez balitu, esleipena galduko luke.

12.- Paradak 1etik 27raino zenbakituta daude eta URTEAGA parajeen kokatuta daude. Paraden enkanteagatiko lizitazio-prezioa ondorengoa da:

12.1.-2.,3. eta 4., paraden lizitazio-prezioa SEIEHUN (600) euroko da.

12.2.-1.,5., 21. eta 22. paraden lizitazio-prezioa HIRUREHUN (300) eurokoa da.

12.3.-Gainontzeko paraden lizitazio-prezioa EHUN ETA LAUROGEI (180) eurokoa da.

13.- Enkantea Aresoko Udalaren Udal Bulegoetan egingen da, 2019ko **irailaren 21ean, larunbata, arratsaldeko 7etan.**

14.- Esleitu gabe gelditutako parada guztietarako, eta legezko epearen barruan dagokion hobekuntza lortu dutenetarako, bigarren enkantea egingen da. Bigarren enkante hori behin betikoa izanen da, eta 2019ko **irailaren 28an** egingen da, **larunbata, arratsaldeko 7etan.**

15.- Behin betiko esleipena egin ondoren, Udalak dagokien esleipen-txartela emanen die esleipendunei. Horretarako, aldez aurretik honakoak ordaindu beharko dituzte:

\* Behin betiko errematearen zenbatekoa

\* Baldintza Plegu honen 9. atalak aipatzen dituen gastuak: % 21a, hain zuzen ere BEZari dagokiona.

\* Postu bakoitzeko 50€ko fidantza jarri beharko da postua garbia eta egoera onean mantendu dadin; 2019ko abenduaren 31rako postua garbia egon behar du eta baita egoera onean ere, hala bada, fidantza itzulia izanen da eta horrela ez izatekotan, udala fidantzarekin geratuko da. Beti ere fidantza ez da itzulia izanen otsailaren bata arte. Horrela eskatzen dutenei tranferentzia bidez ordaindu ahalko zaie.

16.- Esleipenduna izan gabe eta titularraren berariazko baimenik gabe enkantean banatutako paradaren batean ehizan ari den oro salatua eta zigortua izanen da, ehizaren inguruan indarrean dagoen legediaren arabera.

17.- Enkantean banatutako paraden esleipendunek, denboraldia bukatzen denerako, paradak eta paraden ingurua ahalik eta garbien utzi beharko dituzte: kartutxoak, hondakinak, zaborra...

18.- Baldintza Plegu honetan aurreikusita ez dagoen guztia, honakoen arabera arautuko da: Nafarroako Toki Administrazioari buruzko 6/1990 Foru Legea; Basa fauna eta haren habitatak babestu eta kudeatzeari buruzko 2/1993 Foru Legea; **17/2005 Foru Legea, abenduaren 22koa, Nafarroako ehizari eta arrantzari buruzkoa;** eta gai honen inguruan indarrean dauden bestelako xedapenak.

Areson, 2019ko irailaren 2an.